



Indgået

8 SEP. 2016

Inatsisartuni Ilaasortaq Anthon Frederiksen, Partii Naleraq  
Inatsisartut  
/MAANI

NAMMINERSORLUTIK OQARTUSSAT  
GRØNLANDS SELVSTYRE  
INATSISARTUT ALLATTOQARFIAT  
BUREAU FOR INATSISARTUT  
BOX 1060 - 3900 NUUK

**Tunitsiviit, inuusuttut akornanni suliffissaaleqineq ilinniarnermillu  
kalaallisuinnaq ingerlanneqartumik aallartitsinissaq pillugit § 37 naapertorlugu  
apeqqutip nr. 2016-222-ip akineqarnera.**

14-07-2016  
Suliap normua  
Akt. nr. 3172173

Inatsisartut suleriaasianni § 37, imm. 1 naapertorlugu tunitsiviit kiisalu  
suliffissaaleqineq kalaallillu inuusuttut ilinniarnissamut periarfissaat pillugit  
Naalakkersuisunut apeqquteqarsimavutit. Apeqqutit uannut  
akineqartussanngortinneqarsimapput.

Postboks 269  
3900 Nuuk  
Oqarasuaat (+299) 34 50 00  
Fax: (+299) 34 63 55  
E-mail: apnn@nanoq.gl  
www.naalakkersuisut.gl

**Apeqqutit:**

1. Kalaallit nunatsinni inoqarfinni qassini aalisartut aalisakkanik  
tunitsiveqarnikkut ajornartorsiuteqarpat ?
2. Aalisakkanut tunitsiveqarnikkut ajornartorsiutit aningorniarlugit  
Naalakkersuisut qanoq pilersaaruteqarpat ?
3. Inuusuttut suliffeqanngitsut ilinniakkamillu aallartitsissimangitsut qanoq  
amerlatigippat ? arnat qassit ? angutit qassit ?
4. Inuusuttut kalaallisuinnaq oqaasillit suliffissaaleqisut assassorluni  
suliffeqarfinni ilinnialernissamut qanoq periarfissaqarpat ?

**Akissutit:**

Ad. 1)

Nunatsinni tunitsivinni annersaq Royal Greenland sinerissami 37-inik aalisakkerivinnik  
ingerlatsisoq nalunaarpoq tunitsivinnik immikkut ajornartorsiutilinnik immikkut  
taasaqassalluni ajornakusoortoq. Matumanili ataatsimut unammilligassat  
pineqarnerupput. Tunitsivinni amerlanerpaani ajornartorsiutaanerpaajuvoq ukioq  
naallugu tunissarsionerup ingerlannissaanut naammattunik tunisassiassaqqannginnera.  
Taamaalisoqarneranilu atortut tamakkiisumik atornerqarnej ajorput. Tamatumalu  
peqatigisaanik sulisunut pitsaasunik atugassarititanik neqeroorsinnaaneq  
ajornarsisarpoq.

Unammilligassarlu alla tassaavoq tunitsiviit ataasiakkaat piffissap sivikitsuinnaap iluani  
tunitsivigineqarnerusarnerat - pingaartumik aasaanerani. Piffissamilu tassani aalisartut  
pisaminnik tunisisinnaajunnaaraangata aalisartut unammilligassaqalersarput. Royal  
Greenland ajornartorsiut taanna qaangerniarlugu tunisisarnernut pilersaarummik  
suliaqarpoq. Royal Greenlandip aalisartut suleqatigalugit pilersaarusiorneq aqqutigalugu  
piffissamik nukissanillu maangaannartitsinerit sapinngisartik malillugu  
annikillisinnersaraat. Royal Greenlandittaaq tungaanit tunitsivinni annerni  
tunisisinnaanermut periarfissaqarnerulernissaa anguniarneqarpoq. Assersuutigalugu  
Nuummi Maniitsumilu periarfissat amerlanerulersimapput, Royal Greenland

nalunaarpoq. Peqatigitillugu Uummannami suliffissuaq allisarlugu aallartinneqarsimavoq.

Ad. 2)

Sinerissami aalajaatsunik tunitsiveqarsinnaaneq Naalackersuisunit pingaartinneqarpoq - aamma inoqarfinni mikinerusuni aalisarnermik pisariaqartitsiviusuni. Taamaammat tamanna qulakkeerinniffiniarlugu pisut malinnaaffiguarpakka. Attaveqaatinulli arlalitsigut pisariaqartitsisoqarpoq, soorlu imermik pilersuisoqarneratigut, sumiiffiit ilaanni imermik pissarsiffiorpiarsinnaanngitsuni. Tamakkuninnga amigaateqarneq Naalackersuisut killilersimaarniarpaat. Ilaannikkut angallatit tunitsiviit aaqqiissutaasinnaasarput, tamannalu arlaleriarlunga akuersissuteqarfigisimavara. Tunisassiassanik pilersuinerup ajornarsisarnera aamma unamminartuusarpoq. Taamaalisoqaraangat angallatit tunitsiviit periarfissaasinnaasarput, tamakkumi atorlugit piffissani tunisassiassaqarfiulluartuni tunitsiveqarnermut iluaqutaasarmata, taamaalineranilu aalisartut tunitsivinnik pisariaqartitsinerisa nalaanni.

Tunitsiveqarfinnut tunngatillugu Naalackersuisut tigussaasunik pilersaaruteqanngillat, taamaattorli aalisartut pitsaanerpaanik atugassaqartinnissaat anguniarlugu' tamanna malinnaaffigalugu.

Ad. 3)

Naatsorsueqqissaartarfiup suliffissaaleqisunut kingullermik saqqummersitaani suliffissaaleqisunut kisitsisit ukiunut, najugaqarfinnut suaassutsinullu agguataarlugit takutinneqarput:

(<http://www.stat.gl/dialog/main.asp?lang=kl&sc=AR&subthemecode=O1&colcode=O&version=201612>)

Saqqummersitamani tabeli 2-mi inuusuttut suliffissaaleqisut qassiuneri ukiuinut, najugaqarfiinut suaassusaannullu agguataarlugit takutinneqarput.

	Tamakkerlutik			Illoqarfiit			Nunaqarfiit		
	Angutit	Arnat	Katillugit	Angutit	Arnat	Katillugit	Angutit	Arnat	Katillugit
18-19-inik ukiullit	81	94	<b>175</b>	72	73	<b>145</b>	9	21	<b>30</b>
20-24-nik ukiullit	186	186	<b>372</b>	163	148	<b>311</b>	23	38	<b>61</b>
25-29-inik ukiullit	149	179	<b>328</b>	133	155	<b>288</b>	16	24	<b>40</b>
<b>Katillugit</b>	<b>416</b>	<b>459</b>	<b>875</b>	<b>368</b>	<b>376</b>	<b>744</b>	<b>48</b>	<b>83</b>	<b>131</b>

Suliffissarsiorlutut nalunaarsuisoqarsimappat ilinniarnermik aamma aallartitsisoqarsimanaviangilaq. Taamaalillunilu 1. juli 2016-imiit katillugit inuit 875-it 18-iniit 30-nut ukiullit ilinniarnermik aallartitsisimangillat, taamaalillutillu suliffissarsiorlutut nalunaarsorneqarsimallutik.

Eqqaamaqquneqarpoq aggustimi septembarimilu ilinniartorpassuarnik tiguisoqartarmat. Taamaammallu ilimagisariaqarpoq inuusuttut suliffissarsiorlut 875-

iusut ilaat massakut ilinniarnermik aallartitseresimassasut. Tamatumunngali kisitsisinik pissarsisoqarsinnaasimanngilaq.

Ad. 4)

Inuussutissarsiutitigut ilinniartitaanerni amerlanerni danskisoorsinnaasariaqarpoq. Tamanna tunngaviusumik pingaarnernilu atuarnerni atuuppoq. Inuussutissarsiutitigut ilinniartitaanerni ilinniartitsissutit tunngavimmikkut danskisuujupput. Tunngaviusumilli ilinniarnert ilaat kalaallisut oqaluttumik ilinniartitsisoqarnikkut ilaannakortumik kalaallisut ingerlanneqarsinnaasarput, ilinniartitsisullu taakku ilinniarfinni ilinniarnertup kalaallisut ingerlannissaanik isumaginnittuusarlutik.

Inuussutissarsiutitigut ilinniartitaanerni ilinniarnert kalaallisut ingerlanneqarsinnaasut ukuupput:

- Perorsaasunngorniarneq PI/SPS
- Kalaallisuuiliornermik Ilinniartitaaneq Sisimiut
- Uummannami Piniarnermut Aalisarnermullu Ilinniarfik (suli ingerlatillugu Paamiunut nuunneqartussaammat allanngortillugulu)

Inussiarnersumik inuulluaqqusillunga

Nikolaj Jeremiassen

Aalisarnermut, Piniarnermut Nunalerinermullu Naalakkersuisoq